

樊

川

詩

集

樊川別集序

集賢校理裴延翰編次牧之文號樊川集者二十卷中有古律詩二百四十九首且言牧始少得恙盡搜文章閱千百紙擲焚之纔屬畱者十二三疑其散落於世者多矣舊傳集外詩者又九十五首家家有之予往年於棠郊魏處士野家得牧詩九首近汶上盧訥處又得五十篇皆二集所逸者其後池泛舟宴送王十秀才詩乃知外集所亡取別句以補題今編次作一卷俟有所得更益之熙寧六年三月一日杜陵田槩序

樊川別集目錄

寓言

猿

懷歸

邊上晚秋

傷友人悼吹簫妓

訪許顏

春日古道傍作

青塚

大夢上人自廬峰迴

洛中二首

邊上聞胡笳三首

春日寄許渾先輩

經闔閭城

并州道中

別懷

漁父

秋夢

早秋客舍

逢故人

秋晚江上遣懷

長安夜月

雲

春懷

逢故人

閑題

金谷園

重登科

遊邊

將赴池州道中作

隋宮春

蠻中醉

寓題

送趙十二赴舉

偶呈鄭先輩

子規

江樓

旅宿

杜鵑

聞蟬

送友人

旅情

曉望

貽友人

書事

別鶴

晚泊

山寺

早行

秋日偶題

樊川別集

目錄

三

憶歸

黃州偶見作

醉倒

酬許十三秀州兼依來韻

後池泛舟送王十秀才

書情

兵部尚書席上作

驢驢坂

樊川別集

桐鄉馮集梧錄

寓言

暖風遲日柳初含
顧影看身又自慚
何事明朝獨惆悵
杏花時節在江南

猿

月白烟青水暗流
孤猿銜恨叫中秋
三聲欲斷疑腸斷
饒是少年須一作白頭

懷歸

塵埃終日滿窗前
水態雲容思浩然
爭得便歸湘浦去

却持竿上釣魚船

邊上晚秋

黑山南面更無州
馬放平沙夜不收
風送孤城臨晚角
一聲聲入客心愁

傷友人悼吹簫妓

玉簫聲斷沒流年
滿目春愁隴樹上
一作烟豔質已隨雲
雨散鳳樓空鎖月明天

訪許顏

門近寒溪牕近山
枕山流水日潺潺
長嫌世上浮雲客
老向塵中不解顏

春日古道傍作

萬古榮華旦暮齊樓臺春盡草萋萋君看陌上何人墓
旋化紅塵送馬蹏

青塚

青塚前頭隴水流燕山

一作支

山上暮雲秋蛾眉一墜窮

泉路夜夜孤魂月下愁

大夢上人自廬峰回

行脚尋常到寺稀一枝藜杖一禪衣

一作閑

門滿院空

秋色新向廬峰過夏歸

洛中二首

柳動晴風拂路塵年年宮闕鎖濃春一從翠輦無巡幸
老却蛾眉幾許人

風吹柳帶搖晴綠蝶遶花枝戀暖香多把芳菲泛春酒
直教愁色對愁腸

邊上聞胡笳三首

何處吹笳薄暮天塞垣高鳥沒狼烟游人一聽頭堪白

蘇武爭禁

一云會經

十九年

海路無塵邊草新榮枯不見綠楊春白沙日暮愁雲起
獨感離鄉萬里人

胡雛吹笛上高臺寒鴈驚飛去不回盡日春風吹不散

只因

一作應

分付客愁來

春日寄許渾先輩

薊北雁初去，湘南春又歸。
水流滄海急，人到白頭稀。
塞路盡何處，我愁當落暉。
終須一作年接鴛鴦，霄漢共高飛。

經闔閭城

遺蹤委衰草，行客思悠悠。
昔日人何處，終年水自流。
孤烟邨戍遠，亂雨海門秋。
吟罷獨歸去，烟雲盡慘愁。

并州道中

行役我方倦，苦吟誰復聞。
戍樓春帶雪，邊角暮吹雲。
極目無人迹，回頭送雁羣。
如何遣公子，高臥醉醺醺。

別懷

相別徒成泣經過總是空勞生慣離別夜夢苦西東去
路三湘浪歸程一片風他年寄消息書在鯉魚中

漁父

白髮滄浪上全忘是與非秋潭垂釣去夜月叩船歸烟
影侵蘆岸潮痕在竹扉終年狎鷗鳥來去且無機

秋夢

寒空動高吹月色滿清砧殘夢夜魂斷美人邊思深孤
鴻秋出塞一葉暗辭林又寄征衣去迢迢天外心

早秋客舍

風吹一片葉萬物已驚秋獨夜他鄉淚年年爲客愁別
離何處盡搖落幾時休不及磻溪叟身閑長自由

逢故人

故交相見稀相見倍依依塵路事不盡雲巖閑好歸投
人銷壯志狗俗變真機又落他鄉淚風前一滿衣

秋晚江上遣懷

孤舟天際外去路望中賒貧病遠行客夢魂多在家蟬
吟秋色樹鴉噪夕陽沙不擬徹雙鬢他方擲歲華

長安夜月

寒光垂靜夜皓彩滿重城萬國盡分照誰家無此名作

明古槐疎影薄仙桂動秋聲獨有長門裏蛾眉對曉晴
雲

東西那有礙出處豈虛心曉入洞庭闊暮歸巫峽深渡
江隨鳥影擁樹隔猿吟莫隱高唐去枯苗待作霖

春懷

年光何太急倏忽又青春明月誰家主江山暗換人鶯
花潛運老榮樂漸成塵遙憶朱門柳別離應更頻

逢故人

年年不相見相見却成悲教我淚如霰嗟君髮似絲正
傷攜手處況值落花時莫惜今宵醉人間忽忽期

閑題

男兒所在即爲家
百鎰黃金一朶花
借問春風何處好
綠楊深巷馬頭斜

金谷園

繁華事散逐香塵
流水無情草自春
日暮東風怨啼鳥
落花猶似墮樓人

重登科

星漢離宮月出輪
滿街含笑綺羅春
花前每被青娥一作蛾
問何事重來只一人

遊邊

黃沙連海路無塵
過草長枯不見春日暮
拂雲堆下過馬前
逢著射雕人

將赴池州道中作

青陽雲水去年尋
黃絹歌詩出翰林
投轄暫停畱酒客
絳帷斜繫滿松陰
妖人笑我不相問道者
應知歸路心南去南來盡鄉國
月明秋水只沉沉

隋宮春

龍舟東下事成空
蔓草萋萋滿故宮
亡國亡家爲顏色
露桃猶自恨春風

蠻中醉

一云張籍詩
題無醉字

瘴塞蠻江入河流人家多在竹棚頭
青山海上無城郭
唯見松牌出象州

寓題

把酒直須判酩酊逢花莫惜暫淹留
假如三萬六千日
半是悲哀半是愁

送趙十二赴舉

省事却因多事力無心翻似有心來
秋風郡閣殘花在
別後何人更一杯

偶呈鄭先輩

不語亭亭儼薄粧
畫裙雙鳳鬱金香
西京才子旁看取

李八別集
何似喬家那窈娘

子規

按此又見李白集題
作宣城見杜鵑花

蜀地曾聞子規鳥宣城又見杜鵑花一叫一回腸一斷
三春三月憶三巴

江樓

獨酌芳春酒登樓已半醺誰驚一行雁衝斷過江雲
旅宿

旅館無良伴疑情自悄然寒燈思舊事斷雁警愁眠遠
夢歸侵曉家書到隔年湘江好烟月門繫釣魚船

杜鵑

杜宇竟何冤年年叫蜀門至今銜積恨終古弔殘魂芳
草迷觴一作腸結紅花染血痕山川盡春色嗚咽復誰論

聞蟬

火雲初似滅曉角欲微清故國行千里新蟬忽數聲時
行仍髣髴度日更分明不敢頻傾耳唯憂白髮生

送友人

十載名兼利人皆與命爭青春望一作留不住白髮自然
生夜雨滴鄉思秋風從別情都門五十里馳馬逐雞聲

旅情

窗虛枕簟涼寢倦憶蕭湘山色幾時老人心終日忙松

樊川別集

七

風半夜雨簾月滿堂霜匹馬好歸去江頭橘正香

曉望

獨起望山色水雞鳴蓼洲房星隨月曉楚木向雲秋曲
渚疑江盡平沙似浪浮秦原在何處澤國碧悠悠

貽友人

自是東西客逢人又送人不應相見老祇是別離頻度
日還知暮平生未識春儻無遷谷分歸去養天真

書事

自笑走紅塵流年舊復新東風半夜雨南國萬家春失
計拋漁艇何門化涸鱗是誰添歲月老却暗投人

別鶴

分飛共所從六翮勢催一作摧風聲斷碧雲外影孤明月
中青田歸路遠丹桂舊巢空矯翼知何處天涯不可窮

晚泊

帆濕去悠悠停橈宿渡頭亂烟迷野岸獨鳥出中流蓬
雨延鄉夢江風阻暮秋儻無身外事甘老向扁舟

山寺

峭壁引行徑截溪開石門泉飛濺虛隔一作檻雲起漲河
軒隔水看來路疎籬見定猿未閑難久住歸去復何言

早行

垂鞭信馬行數里未雞鳴林下帶殘夢葉飛時忽驚霜
凝孤鶴迥月曉遠山橫僮僕休辭慮一作險時平路復平

秋日偶題

荷花兼柳葉彼此不勝秋玉露滴初泣金風吹更愁綠
睂甘棄墜紅臉恨飄流歎息是游子少年還白頭

憶歸

新城非故里終日想柴扃興罷花還落愁來酒欲醒何
人初髮白幾處亂山青遠憶湘江上漁歌對月聽

黃州偶見作

朔風高緊掠河樓白鼻騮郎白鬚裘有箇當鑪明似月

馬鞭斜揖笑回頭

醉倒

日晴空樂下仙雲俱在涼亭送使君莫辭一盞即相請
還是三年更不聞

酬許十三秀才兼依來韻

多爲裁詩步竹軒有時凝思過朝昏篇成敢道懷金璞
吟苦唯應似嶺猿迷興每慙花月夕寄愁長在別離魂
煩一作憑君把卷侵寒燭麗句時傳畫戟門

後池泛舟送王十秀才

城日晚悠悠絃歌在碧流夕風飄度曲烟嶼

一作嶼

隱行

舟問拍疑

一作擬

新令憐香占彩球當筵雖一醉寧復緩

離愁

書情

誰家洛浦神十四五來人媚髮輕垂額香衫軟着身摘蓮紅袖濕窺深翠蛾頻飛鵲徒來往平陽公主親

兵部

一作李

尚書席上作

華堂今日綺筵開誰喚

一作召

分司御史來偶

一作忽

發狂

言驚滿座三重粉面

紀事作兩行紅粉

一時回

古今詩話牧爲御史分務維陽時李司徒恩寵鎮閣居聲

使豪侈維中名士咸謁之李高會朝客以杜持憲不敢邀致杜遣座客達意願與斯會李不得已邀之杜獨坐南向殿口注視引滿三危問李云聞有紫雲者孰是李指之杜凝睇良久曰名不虛傳宜以見惠李俯而笑諸伎亦回首敬顧杜又自飲二爵吟此詩而起意氣聞逸愛若無人杜不拘細行詩有十年一覺揚州夢贏得青樓薄倖名

驕驕坂

荊州一萬里不如剗易度
仰首望飛鳴伊人何異趣

樊川外集目錄

斑竹筒簾

和嚴憚秀才落花

倡樓戲贈

初上船畱寄

秋岸

過大梁聞河亭方讌贈孫子端

題吳興消暑樓十二韻

奉送中丞姊夫儔自大理卿出鎮江西敘事書懷因
成十二韻

中丞業深韜略志在功名再奉長句一篇兼有諮勸
和裴傑秀才新櫻桃

春思

代人作

偶題二首

冬至日遇京使發寄舍弟

洛下送張曼容赴上黨召

宣州畱贈

寄題宣州開元寺

贈張祜

殘春獨來南亭因寄張祐

宣州開元寺南樓

寄遠人

別沈處士

畱贈

奉和僕射相公春澤稍愜聖君軫慮嘉雪忽降品彙
昭蘇即事書成四韻

寄李播評事

送牛相公出鎮襄州

送薛邽二首

卷八
見穆三十宅中庭梅榴花謝

留誨師曹等詩

洛陽

寄唐州李玘尚書

南陵道中

登九峯樓

別家

歸家

雨

送人

遣懷

醉贈薛道封

歙州盧中丞見惠名醞

詠襪

宮詞二首

月

忍死畱別獻鹽鐵裴相公二十叔

悲吳王城

閨情代作

寄沈褒秀才

入關

及第後寄長安故人

偶作

贈終南蘭若僧

遣懷

秋感

贈漁父

歎花

題劉秀才新竹

山行

書懷

紫薇花

醉後呈崔大夫

和宣州沈大夫登北樓書懷

夜雨

方響

將出關宿層峯驛却寄李諫議

使回枉唐州崔司馬書兼寄四韻因和

郡齋秋夜即事寄斛斯處士許秀才

同趙二十二訪張明府郊居聯句

早春題眞上人院

對花微疾不飲呈坐中諸公

酬王秀才桃花園見寄

走筆送杜十三歸京

送王十至褒中因寄尚書

後池泛舟送王十

重送王十

洛陽秋夕

贈獵騎

懷吳中馮秀才

寄東塔僧

秋夕

瑤瑟

送故人歸山

聞角

押兵甲發谷口寄諸公

和令狐侍御賞蕙草

偶題

三川驛伏覽座主舍人畱題

陝州醉贈裴四同年

破鏡

長安雪後

華清宮

冬日題智門寺北樓

別王十後遣京使累路附書

許秀才至辱李蘄州絕句問斷酒之情因寄

送張判官歸兼謁鄂州大夫

宿長慶寺

望少華三首

登灋州驛樓寄京兆韋尹

長安晴望

歲日朝回口號

驕驕駿

龍邱途中二首

宮人塚

寄浙西李判官

寄杜子二首

盧秀才將出玉屋高步名場江南相逢贈別

送劉三復郎中赴闕

羊欄浦夜陪宴會

樊川外集

目錄

六

送杜顓赴潤州幕

有感

書懷寄盧州

賀崔大夫崔正字

江南送左師

寢夜

十九兄郡樓有宴病不赴

愁

隋苑

芭蕉

汴人舟行荅張祐

牧陪昭應盧郎中在江西宣州佐今吏部沈公幕罷
府周歲公宰昭應牧在淮南磨職叙舊成二十韻用
以投寄

樊川外集

桐鄉馮集梧錄

斑竹筒簾

血染斑斑成錦紋
昔年遺恨至今存
分明知是湘妃泣
何忍將身臥淚痕

和嚴惲秀才落花

共惜流年畱不得
且環流水醉流杯
無情紅豔年年盛
不恨凋零却恨開

倡樓戲贈

細柳橋邊深半春
纈衣簾裏動香塵
無端有寄閑消息

背插金釵笑向人

初上船畱寄

烟水本好尚親交何慘淒況爲珠履客即泊錦帆堤沙
雁同船去田鷗遶岸啼此時還有味必臥日從西

秋岸

河岸微退落柳影微凋疎船上聽呼穉堤南趁漉魚數
帆旗去疾一艇箭迴初曾入相思夢因憑附遠書

過大梁聞河亭方讌贈孫子端

梁園縱翫歸應少賦雪搜才去必頻板路豈緣無罰酒
不教客右更添人

題吳興消暑樓十二韻

晴日登攀好危樓物象饒一溪通四境萬岫遶層霄鳥
翼舒華屋魚鱗棹短橈浪花機乍織雲葉近一作新雕
臺榭羅嘉卉城池敞麗譙蟾蜍來作鑑蠨蛸引成橋燕
任隨秋葉人空集早潮楚鴻行盡直沙鷺立偏翹暮角
淒遊旅清歌慘沆寥景牽遊目困愁託酒腸銷遠吹畱
松韻殘陽渡柳橋時陪庾公賞還悟脫煩囂

奉送中丞姊夫儔自大理卿出鎮江西叙事書懷因
成十二韻

惟帝憂南紀搜賢與大藩梅仙調步驟庾亮拂纓韉一

室何勞掃三章自不寃精明如定國孤峻似陳蕃
瀨岸秋猶嫩藍橋水始喧紅旂望石壁黑稍斷雲根
滕閣丹霄倚章江碧玉奔一聲仙妓唱千里暮江痕
私好初童稚官榮見子孫流年休挂念萬事至無言
玉輦君頻過馮唐將未論傭書疇萬債竹塢問樊村

中丞業深韜略志在功名再奉

一作拜

長句一篇兼有

諮勸

一本題上有
韜韋二字

檣似鄧林江拍

一作泊

天越香巴錦萬千千滕王閣上栢

枝鼓徐孺亭西

一作前

鐵軸船八部

一作部

元侯非不貴

韓愈

滕王閣記太原王公爲御史中丞觀察江南西道洪江饒虔吉信撫袁慈屬治所八州之前所不便及欲願欲而不得者公至之日皆罷行之錢唐書方鎮表乾元元年置洪

吉觀察使領洪吉度撫袁五州上元元年增信州貞元四年增江州而不見饒州之來屬疏也

萬人師長豈無權要君

一作知

嚴重疎歡樂猶有河湟可下鞭

原注時收河湟且立三州六關

和裴傑秀才新櫻桃

新果真瓊液未

一作人

應宴紫蘭圓疑竊龍領色已奪雞

冠遠火微微辨繁星歷歷看茂先知味好曼倩恨偷難

忍用烹騂

一作酥

酪從將翫玉盤流年如可駐何必九華

丹

春思

豈君心的的嗟我淚涓涓綿羽啼來久錦鱗書未傳獸

爐凝冷豔

一作焰

羅幕蔽晴烟自是求佳夢何須訝晝眠

代人作

樓高春日早屏東麝烟堆盼眄凝魂別依稀夢雨來綠
鬟羞妥麼紅頰思天一作天 偎闌草憐香蕙簪花間雪梅
戍邊雖咽切游蜀亦遲迴錦字梭懸壁琴心月滿臺笑
筵凝貝啟眠箔曉珠開臘破征車動袍襟對淚裁

偶題二首

勞勞千里身襟袂滿行塵深夜懸雙淚短亭思遠人蒼
一作滄江程未息黑水夢何頻明月輕橈去唯應釣赤鱗
有恨秋來極無端別後知夜闌終耿耿明發竟遲遲信
已憑鴻去歸唯與燕期只應一作因明月見千里兩相思

冬至日遇京使發寄舍弟

遠信初逢

一作憑

雙鯉去他鄉正遇一陽生尊前豈解愁

家國輦下唯能憶弟兄旅館夜憂姜被冷暮江寒覺晏
裘輕竹門風過還惆悵疑是松窗雪打聲

洛下送張曼容赴上黨召

歌闕罇殘恨起

一作邨

偏憑君不用設離筵未趨雉尾隨

元老且驀羊腸過少年七葉漢貂眞密近一枝詵桂亦
徒然羽書正急徵兵地須遣頭風處處痊

宣州畱贈

紅鉛濕盡半羅裙洞府人閒手欲分滿面風流雖似玉

夢月夕集
四年夫壻恰如雲當春離恨杯長滿倚柱關情日漸慙
爲報眼波須穩當五陵游宕莫知聞

寄題宣州開元寺

松寺會同一鶴棲夜深臺殿月高低何人爲倚東樓柱
正是千山雪漲溪

贈張祐

詩韻一逢君平生稱所聞粉毫唯畫月瓊尺只裁雲
陣人人懾秋星一作霜歷歷分數篇畱別我羞殺李將軍

殘春獨來南亭因寄張祐

暖雲如粉草如茵獨步長堤不見人一嶺桃花紅錦旌

半溪山水碧羅新高枝百舌猶欺鳥帶葉梨花獨送春
仲蔚欲知何處在苦吟林下拂詩塵

宣州開元寺南樓

小樓纔受一床橫終日看山酒滿傾可惜和風夜來雨
醉中虛度打牕聲

寄遠人

終日求人卜迴迴道好音那時離別後入夢到如今
別沈處士

舊事參差夢新程邈邈秋故人如見憶時到寺東樓

畱贈

舞華應任閑人看笑臉還須待我開不用鏡前空有淚
薔薇花謝卽歸來

奉和僕射相公春澤稍愆聖君軫慮嘉雪忽降品彙

昭蘇卽事書成四韻

原注青相國

飄來雞樹鳳池邊漸壓瓊枝凍碧漣銀闕雙高銀漢裏
玉山橫列玉墀前昭陽殿下風迴急承露盤中月彩圓
上相抽臺歌帝德一篇風雅美豐年

寄李播評事

子列光殊價明時忍自高寧無好舟楫不泛惡風濤大
翼終難鼓奇鋒且自韜春來烟渚上幾淨雪霜毫

送牛相公出鎮襄州

盛時常注意南雍暫分茅紫殿辭明主巖廊別舊交危
幢侵碧霧寒旆獵紅旂德業懸秦鏡威聲隱楚郊拜塵
先灑淚成厦昔容巢遙仰沉碑會駕鴛玉佩敲

送薛邽二首

可憐走馬騎驢漢豈有風光肯占伊只有三張最惆悵
下山迴馬尚遲遲

小捷風流已俊才便將紅粉作金臺明年未去池陽郡
更乞春時却重來

見穆三十宅中庭梅榴花謝

矜紅掩素似多才不待櫻桃不逐梅春到未曾逢宴賞
雨餘爭解免低徊巧窮南國千般豔趁得東風二月開
堪恨王孫浪遊去落英狼籍始歸來

畱誨師曹等詩

萬物有醜好各一姿狀分唯人卽不爾學與不學論學
非探其花要自撥其根孝友與誠實而不忘爾言根本
旣深實柯葉自滋繁念爾無忽此期以慶吾門

洛陽

文爭武戰就神功時似開元天寶中已建元戈收相土
應迴翠帽過離宮侯門草滿宜一作寒兔洛浦沙深下

一作見

塞鴻疑有女蛾

一作蛾

西望處上陽烟樹正秋風

寄唐州李玘尚書

累代功勲照世光
奚胡聞道死心降
書功筆禿三千管
領節門排十六雙
先揖耿弇聲寂寂
今看黃霸事縱縱
時人欲識胸襟否
彭蠡秋連萬里江

南陵道中

一本作寄遠

南陵水面漫悠悠
風緊雲輕欲變秋
正是客心孤迥處
誰家紅袖凭

一作倚

江樓

登九峰樓

晴江灩灩含淺沙
高低遶郭滯秋花
牛歌魚笛山月上

鷺渚鷺梁溪日斜爲郡異鄉徒泥酒杜陵芳草豈無家
白頭搔殺倚柱遍歸棹何時聞軋鴉

別家

初歲嬌兒未識爺別爺不拜手吒叉拊頭一別三千里
何日迎門却到家

歸

一作到

家

一作趙綴詩

稚子牽衣問

一云童稚苦相問

歸來何太遲共誰爭歲月贏得鬢

邊絲

雨

連雲接塞添迢遞灑幕侵燈送寂寥一夜不眠孤客耳

主人牕外有芭蕉

送人

鴛鴦帳裏

一云繡被

暖芙蓉低泣

一云遙想

關山幾萬重

一云萬里重

明

鏡半邊

釵一股

一作人

生何處不相逢

遣懷

道泰時還泰時來命不來何當離城市高臥博山隈

醉贈薛道封

飲酒論文四百刻水分雲隔二三年男兒事業知公有

賣與明君直幾錢

歙州盧中丞見惠名醞

誰憐賤子啟窮途太守封來酒壺壺攻破是非渾似夢
削平身世有如無醺醺若借稽康懶兀兀仍添甯武愚
猶念悲秋更分賜夾溪紅蓼映風蒲

詠襪

鈿尺裁量減四分纖纖玉笋裏輕雲五陵年少欺他醉
笑把花前出畫裙

宮詞二首

蟬翼輕綃傳體紅玉膚如醉向春風深宮一作闕鎖閉猶
疑惑更取丹沙試辟宮

監宮引出暫開門隨例須

一作起

朝不是恩銀鑰却收金

鎖合月明花落又黃昏

月

三十六宮秋夜深
昭陽歌斷信沉沉
唯應獨伴陳皇后
照見長門望幸心

忍死畱別獻鹽鐵裴相公二十叔

賢相輔明主
蒼生壽域開
青春辭白日
幽壤作黃埃
豈是無多土
偏蒙不棄才
孤墳一作三尺土誰可爲培栽

悲吳王城

二月春色

一作風

江上來水精波動
碎樓臺
吳王宮殿柳

含翠蘇小宅
房花正開
解舞細腰何處往
能歌姹女逐

誰迴千秋萬古無消息國作荒原人作灰

閨情代作

梧桐葉落雁初歸迢遞無因寄遠衣月照石泉金點冷
鳳酣簫管玉聲微佳人力一作刀杵秋風外蕩子從征夢
寐希遙望戍樓天欲曉滿城繁鼓白雲飛

寄沈褒秀才

晴河萬里色如刀處處浮雲臥碧桃仙桂茂時金鏡曉
洛波飛處玉容高雄如寶劍衝牛斗麗似鴛鴦養羽毛
他日憶君何處望九天香滿碧蕭騷

入關

東西南北數衢通曾取江西徑過東今日更尋南去路
未秋應有北歸鴻

及第後寄長安故人

東都放榜未花開三十三人走馬迴秦地少年多辦作

釀酒已

一作即

將春色入關來

撫言牧于崔郾侍郎下及第時東都放榜西都過堂有詩云云

偶作

才子風流詠曉霞倚樓吟住日初斜驚殺東隣繡牀女
錯將黃暈壓檀花

贈終南蘭若僧

戊籤題下云與同年城南遊覽至丈八寺贈禪僧

北闕南山是故鄉

一云家在城南杜曲傍

兩枝仙桂一時芳休公都

不知名姓始覺禪門氣味長

遣懷

落魄

一作拓

江南

一作湖

載酒行楚腰腸斷

一作纖細

掌中輕十

年一覺揚州夢占

一作羸

得青樓薄倖名

秋感

金風萬里思何盡玉樹一牕秋影寒獨掩柴門明月下
淚流香袂倚闌干

贈漁父

蘆花深澤靜垂綸月夕烟朝幾十春自說孤舟寒水畔
不曾逢着獨醒人

歎花

一作
悵詩

自恨尋芳到已遲
往年曾見未開時
如今風擺花狼籍

綠葉成陰子滿枝

一作自是尋春去校遲
不須惆悵怨芳時
狂風落盡深紅
色綠葉成陰子滿枝
據言牧佐宣城幕遊湖州刺史崔

君張水戲使州人舉觀令牧閑行問奇麗得垂髫者十餘
歲後十四年牧刺湖州其人已嫁生子矣乃悵然而爲詩

題劉秀才新竹

數莖幽玉色
曉夕翠烟分
聲破寒牕夢
根穿綠蘚紋
漸籠當檻日
欲礙入簾雲
不是山陰客
何人愛此君

山行

遠上寒山石徑斜
白雲生處有人家
停車坐愛楓林晚
霜葉紅於二月花

書懷

滿眼青山未得過
鏡中無那鬢絲何
祇言旋老轉無事
欲到中年事更多

紫薇花

曉迎秋露一枝新
不占園中最上春
桃李無言又何在
向風偏笑豔陽人

醉後呈崔大夫

謝傳秋涼閱管弦
徒教賤子侍華筵
溪頭正雨歸不得

辜負南

一作東

窗一覺眠

和宣州沈大夫登北樓書懷

兵符嚴重辭金馬星劍光芒射斗牛筆落青山飄古韻
帳開紅旆照高秋香連日彩浮綃幕溪逐歌聲繞畫樓
可惜登臨佳麗地羽儀須去鳳池遊

夜雨

九月三十日雨聲如別一作初秋無端滿階葉共白幾人
頭點滴侵寒夢蕭騷著淡愁漁歌聽不唱蓑濕棹迴舟

方響

數條秋水挂琅玕玉手丁當怕夜寒曲盡連敲三五一作四
下恐驚珠淚落金盤

將出關宿層峰驛却寄李諫議

樊川外集

士

孤驛在重阻，雲根掩柴扉。
數聲暮禽切，萬壑秋意歸。
心馳碧泉澗，目斷青瑣闈。
明日武關外，夢魂勞遠飛。

使回枉唐州崔司馬書兼寄四韻因和

清晨候吏把書來，十載離憂得暫開。
癡叔去時還讀易，仲容多興索衙盃。
人心計日殷勤望，馬首隨雲早晚迴。
莫爲霜臺愁歲暮，潛龍須待一聲雷。

郡齋秋夜卽事寄斛斯處士許秀才

有客誰人肯夜過，獨憐風景奈愁何。
邊鴻怨處迷霜久，庭樹空來見月多。
故國杳無千里信，綵弦時伴一聲歌。
馳心祇待城烏曉，幾對虛簷望白河。

同趙二十二訪張明府郊居聯句

陶潛官罷酒餅空門掩楊花一夜風牧古調詩吟山色

裏無絃琴在月明中韻遠簷高樹宜幽鳥出岫孤雲逐

晚虹牧別後東籬數枝菊不知閑醉與誰同韻

早春題真上人院

原注生天寶初

清羸已近百年身古寺風烟又一春寰海自成戎馬地
唯師曾是太平人

對花微疾不飲呈坐中諸公

花前一作雖病亦提壺數調持觴興有無盡日臨風羨

人醉雪香空伴白髭鬚

酬王秀才桃花園見寄

桃滿西園淑景催幾多紅豔淺深開此花不逐溪流出
晉客無因入洞來

走筆送杜十三歸京

胡震亨云牧之卒年五十此云六十或非牧詩也按杜十三即牧之此是送村之詩內兄年六十作

者自
謂也

烟鴻上塞聲聲遠逸驥尋雲步步高應笑內兄年六十
郡城閑坐養霜毛

送王十至褒中因寄尚書

闕下經年別人間兩地情壇場新漢將烟月古隋城雁
去梁山遠雲高楚岫明君家荷藕好緘恨寄遙程

後池泛舟送王十

相送西郊暮景和青蒼竹外遶寒波爲君蘸甲十分飲
應見離心一倍多

重送王十

分

一作執

袂還應立馬看向來離思始知難雁飛不見行

塵滅景下山遙極目寒

洛陽秋夕

泠泠寒水帶霜風更在天橋夜景中清禁漏閑烟樹寂
月輪移在上陽宮

贈獵騎

已落雙鵬血尚新鳴鞭走馬又翻身憑君莫射南來雁
恐有家書寄遠人

懷吳中馮秀才

全唐詩云張祐
作題作楓橋

長洲苑外草蕭蕭却筭游程歲月遙
唯有別時今不念暮烟秋雨過楓橋

寄東塔僧

初月微明漏白烟碧松梢外挂青天
西風靜起傳深業

一作夜

應送愁吟入夜蟬

一作禪

秋夕

紅

一作銀

燭秋光令畫屏輕羅小扇撲流螢

一作天

階衣

色涼如水坐

一作臥

看牽牛織女星

行坡詩話此一詩杜牧之王建集中皆有之不知其誰所作以余觀

之當是建詩耳蓋二子之詩其清婉大略相似而牧多險側建多平麗此詩蓋清而平者也

瑶瑟

玉仙瑶瑟夜珊珊月過樓西

一云西樓

桂燭殘風景人間不

如此動搖湘水徹明寒

送故人歸山

三清洞裏無端別又拂塵衣欲臥雲看著挂冠迷處所

北山蘿月在移文

聞角

曉樓烟檻出雲霄景下林塘已寂寥城角爲秋悲更遠

護霜雲破海天遙

押兵甲發谷口寄諸公

曉澗青青桂色孤
楚人隨玉上天衢
水辭谷口山寒少
今日風頭校暖無

和令狐侍御賞蕙草

尋常詩思巧如春
又喜幽亭蕙草新
本是馨香比君子
遠欄今更爲何人

偶題

道在人間或可傳
小還輕一作經變已多年
今來海上昇高望
不到蓬萊不是仙

三川驛伏覽座主舍人畱題

舊跡依然已十秋
雪山當面照銀鈎
懷恩淚盡霜天曉
一片餘霞映驛樓

陝州醉贈裴四同年

淒風洛下同羈思
遲日棠陰得醉歌
自笑與君三歲別
頭銜依舊鬢絲多

破鏡

佳人失手鏡初分
何日團圓再會君
今朝萬里秋風起
山北山南一片雲

長安雪後

秦陵漢苑參差雪北闕南山次第春
車馬滿城原上去
豈知惆悵有閑人

華清宮

零葉翻紅萬樹霜
玉蓮開藥暖泉香
行雲不下朝元閣
一曲淋鈴淚數行

冬日題智門寺北樓

滿懷多少是恩酬
未見功名已白頭
不爲尋山試筋力
豈能寒上背雲樓

別王十後遣京使累路附書

重關曉度宿雲寒
羸馬緣知步步難
此信的應中路見

亂山何處折書看

許秀才至辱李蘄州絕句問斷酒之情因寄

有客南來話所思故人遙枉醉中詩
暫因微疾須防酒不是歡情減舊時

送張判官歸兼謁鄂州大夫

處士聞名早遊秦獻疏迴腹中書
萬卷身外酒千盃江雨春波闊園林客夢催
今君拜旌戟凜凜近霜臺

宿長慶寺

南行步步遠浮塵更近青山昨夜鄰
高鐸數聲秋撼玉霽河千里曉橫銀
紅葉影落前池淨綠稻香來野徑頻

終日官閑無一事不妨長醉是遊人

望少華三首

身隨白日看將老心與青雲自有期
今對晴峰無十里世緣多累暗生悲

文字波中去不還物情初與是非閑
時名竟是無端事羞對靈山道愛山

眼看雲鶴不相隨何況塵中事作爲
好伴羽人深洞去月前秋聽玉參差

登澧州驛樓寄京兆韋尹

原注尹曾典此郡

一話潯陽舊使君郡人迴首望青雲
政聲長與江聲在

自到津樓日夜聞

長安晴望

翠屏山對鳳城開
碧落搖光霽後來
廻識六龍巡幸處
飛烟閑繞望春臺

歲日

一作旦

朝回口號

星河猶在整朝衣
遠望天門再拜歸
笑向春風初五十
敢言知命且知非

驕驕駿

統載作坂與別集驕驕一首合作二首

瑤池罷游宴
良樂委塵沙
遭遇不遭遇
鹽車與鼓車

龍邱途中二首

亦見李商隱集

漢苑殘花別吳江盛夏來唯看萬樹合不見一枝開水
色饒湘浦灘聲怯建溪淚流迴月上可得更猿啼

宮人塚

盡是離宮院中女苑墻城外塚纍纍少年入內教歌舞

不識君王到老

一作時

寄浙西李判官

燕臺上客意何如四五年來漸漸疎直道莫拋男子業
遭時還與故人書青雲滿眼應驕我白髮渾頭少恨渠
唯念賢哉崔大讓可憐無事不歌魚

寄杜子二首

不識長楊事北胡，且教紅袖醉來扶。
狂風烈焰雖千尺，豁得平生俊氣無。

武牢關吏應相笑，箇底年年往復來。
若問使君何處去，爲言相憶首長迴。

盧秀才將出王屋高步名場江南相逢贈別

王屋山人^{一作中}有古文欲攀青桂弄氛氲，
將攜健筆干明主。莫向仙壇問白雲，
馳逐寧教爭處讓。是非偏忌衆中分，
交游話我憑君道。除卻鱸魚更不聞。

送劉三復郎中赴闕

橫溪辭寂寞，金馬去追遊。
好是鴛鴦侶，正逢霄漢秋。
玉

珂聲瑣瑣錦帳夢悠悠微笑知今是因風謝釣舟

羊欄浦夜陪宴會

弋檣營中夜未央雨沾雲惹侍襄王
毬來香袖依稀暖酒凸觥心汎灩
光紅弦高繁聲聲急珠唱鋪圓裊裊長
自比諸生最無取不知何處亦升堂

送杜顓赴潤州幕

少年才俊赴知音丞相門欄不覺深
直道事人男子業異鄉加飯弟兄心
還須整理韋絃佩莫獨矜誇玳瑁簪
若去上元懷古去一作處謝安墳下與沉吟

有感

宛溪垂柳最長枝，曾被春風盡日吹。
不堪攀折猶堪看，陌上少年來自遲。

書懷寄盧州

一云盧州守

謝山南畔州風物，最宜秋太守懸金印。
佳人敞畫樓，凝缸暗醉夕殘月上汀洲。
可惜當年鬢朱門，不得遊。

賀崔大夫崔正字

內舉無慚古所難，燕臺遙想拂塵冠。
登龍有路水不峻，一雁背飛天正寒。
別夜酒餘紅燭短，映山帆去一作滿碧霞殘。
謝公樓下潺湲響，離恨詩情添幾般。

江南送左師

江南爲客正悲秋，更送吾師古渡頭。
惆悵不同塵土別，水雲蹤跡去悠悠。

寢夜

蛩唱如波咽，更深似水寒。
露華驚槩褐，燈影挂塵冠。
故國初離夢，前溪更下灘。
紛紛毫髮事，多少宦游難。

十九兄郡樓有宴病不赴

十二層樓敞畫簷，連雲歌盡草纖纖。
空堂病怯階前月，燕子嗔垂一行。

一作竹簾
又作桁簾

愁

聚散竟無形，迴腸自結成。
古今畱不得，離別又潛生。
降

虜將軍思窮秋遠客情何人更憔悴落第泣秦京

隋苑

亦見李商隱集題云定子

紅霞

一云濃檀

一抹廣陵春定子

原注定子牛相小青

當筵

一云初開

睡臉新

卻笑邱墟隋煬帝破家亡國爲誰人

一云何人

芭蕉

芭蕉爲雨移故向牕前種憐渠點滴聲畱得歸鄉夢夢遠莫歸鄉覺來一翻動

汴人舟行答張祜

千萬長河共使船聽君詩句倍怡然

一作悽

春風野岸名

花發一道帆檣畫柳烟

牧陪昭應盧郎中在江西宣州佐今吏部沈公幕罷
府周歲公宰昭應牧在淮南歷職敘舊成二十韻用
以投寄

燕雁下揚州涼風柳陌愁可憐千里夢還是一年秋宛
水環朱檻江敞碧流謬陪吾益友祇事我賢侯印組
縈先馬鋒鋦看解牛其間安樂易冠蓋愜依投政簡稀
開閣功成運籌送春經野塢遲日上高樓玉裂歌聲
斷霞飄舞收泥情斜拂印別臉小低頭日晚花枝爛
釭凝粉彩稠未曾孤酌剩剩有隻淹留種德俄徵寵諸
生苦宦遊今途之絕國灑淚拜行轡聚散真漂梗光陰

極轉郵銘心徒歷歷屈指盡悠悠君作烹鮮用誰磨
席求卷懷能憤悱卒歲且優游去矣時難遇沽哉價莫
酬滿枝爲鼓吹衷甲避戈矛隋帝宮荒草秦王土一邱
相逢好大笑除此總雲浮

樊川詩補遺

題水西寺

見唐音
統籤

三日去還住一生焉再遊含情碧谿水重上粲公樓

江樓晚望

見唐音
統籤

湖山翠欲結蒙籠汗漫誰遊夕照中初語燕雛知社日
習飛鷹隼識秋風波搖珠樹千尋拔山鑿金陵萬仞空
不欲登樓更懷古斜陽江上正飛鴻

贈別宣州崔羣相公

見唐音
統籤

衰散相逢洛水邊卻思同在紫薇天盡將舟楫板橋去

早晚歸來更濟川

樊川詩補遺

吳宮詞二首

見范成大
吳郡志

越兵驅綺羅越女唱吳歌宮燼花聲少臺荒麋跡多
萸垂曉露菡萏落秋波無遣君王醉滿城嘖翠娥
香逕遶吳宮千帆落照中鶴鳴山苦雨魚躍水多風
城帶晚莎綠池連秋蓼紅當年國門外誰信伍員忠

金陵

見景定
建康志

始發碧江口曠然諧遠心風清舟在鑑日落水浮金
瓜步逢潮信臺城過雁音故鄉何處是雲外卽喬林

卽事

已下三首見事
文類聚全唐詩

小院無人雨長苔滿庭脩竹間疎槐春愁兀兀成幽夢

又被流鶯喚醒來

七夕

雲階月地一相過未抵經年別恨多
最恨明朝洗車雨不教回腳渡天河

薔薇花

朶朶精神葉葉柔雨晴香拂醉人頭
石家錦障依然在閑倚狂風夜不收

中秋日拜起居表晨渡天津橋卽事十六韻獻居守

相國崔公兼呈工部劉公

已下見全唐詩

碧樹康莊內清川輦洛間
壇分中岳頂城繚大河灣
廣

殿含涼靜深宮積翠閑

原注內有含涼殿積翠樓

樓齊雲漠漠橋束水

潺潺過雨桺枝潤迎霜柿葉殷紫鱗衝晚浪白鳥背秋
山月拜西歸表晨趨北向班鴛鴻隨半仗貔虎護重關
玉帳才容足金罇暫解顏跡畱傷墮屢恩在樂銜環南
省蘭先握東堂桂早攀龍門君天矯鶯谷我綿蠻分薄
稽心懶哀多庾鬢斑人慙公幹臥頻送子牟還自覩宸
居壯誰憂國步艱只應時與醉因病縱疎頑

寄盧先輩

一從分首劍江濱南國相思寄夢頻書去又逢商嶺雪
信回應過洞庭春關河日日悲長路霄漢年年望後塵

猶指丹梯曾到處莫教猶作獨迷人

南樓夜

玉管金罇夜不休如悲晝短惜年流歌聲裊裊徹清夜
月色娟娟當翠樓枕上暗驚垂釣夢燈前偏起別家愁
思量今日英雄事身到簪裾已白頭

懷紫閣山

學他趨世少深機紫閣青霄半掩扉山路遠懷王子晉
詩家長憶謝元暉百年不肖疎榮辱雙鬢終應老是非
人道青山歸去好青山曾有幾人歸

題孫逸人山居

長懸青紫與芳枝塵刹

一作世

無應

一作因

免別離

馬上多

於在家日樽前堪憶少年時關河客夢還鄉遠雨雪山
程出店遲卻羨高人終此老軒車過盡不知誰

中途

一云途中

寄友人

道傍高木盡依依落葉驚風處處飛未到鄉關聞早雁
獨於客路授一作受寒衣烟霞舊想長相阻書劍投人久
不歸何日一名隨事了與君同採碧溪薇